

- den lip die êre und al den sin:
sô muoz mir gelingen, ob ich sælic bin.
- 183^a Er ist alles des wol wert,
ob ich mîne triuwe an im behalten wil,
des ein man ze wibe gert: 5
dêswâr dekeiner êren ist im niht ze vil.
er ist ein sô bescheiden man,
ob ichz an im behalten kan,
minne ich in, dâ missegât mir niemer an.
- 183^a Maneger grüezet mich alsô 10
(der gruoze tuot mich ze mâze frô),
'Hartman, gên wir schouwen
ritterliche frouwen!'
mac er mich mit gemache lân
und île er zuo den frowen gân! 15
bî frowen trûwe ich niht vervân
wan daz ich müede vor in stân.
- 183^a Ze frowen habe ich einen sin,
als sî mir sint als bin ich in,
wand ich mac baz vertriben 20
die zît mit armen wîben.
swar ich kum dâ ist ir vil
dâ vind ich die diu mich dâ wil,
diu ist ouch mînes herzen spil:
waz touc mir ein ze hôhez zil? 25
- 183^a In mîner tôrheit mir geschach
daz ich zuo zeiner frowen sprach
'frowe, ich hân mîne sinne
gewant an iuwer minne.'
dô wart ich twerhes an gesehen: 30

3 = 51 C. 4. min C. nach 9 ist in C für eine strophe
raum gelassen.

10 = 52 C. Maniger C.

18 = 53 C. 21. dú C.

26 = 54 C. beschach C. 27. gesprach C. 30. ichz C.